

趙李合璧

李五峯
趙延儒

纂輯

卷五至卷八
全兩冊

趙李合璧卷之五

婦人門目錄

經脉類

產育類

滯濁遺淋類

瘕瘕類

小兒則目錄

胎孕類

產後類

乳病類

前陰類

新都福堂張興龍傳
成都文生白尚質校

看初生小兒病法

撮口臍風

急驚慢驚

犬驚卒恐

抽搐夜啼

吐瀉吐乳

五疳症

盜汗

腹脹腹痛

癰瘤

趙李合璧卷之五

經脉類

經不調惟酌脾腎

分疏

女人以血為主血旺則經調而子嗣身體之盛衰無不肇端於此若有不調此必中氣脫陷以及門戶不固而然也故凡治經脉之病必先於脾腎而詳察之

經早有火亦有虛經遲有寒亦有火

此書普通傳濟
敬送不取分文

分疏

試先以經早論之夫經早者火也然此亦不
過言其大概已耳若脉症無火而亦有經早
不及期者此又心脾氣虛不能固攝也再以
經遲言之經遲者寒也然血何以寒亦惟陽
氣不足則寒從中生而生化失期是即所謂
真寒也若陰火內燦血本熱而經遲者此又
水虧血少燥澀而然也

要方

一經早者宜清化飲主之若脉症無火而經
早者宜大營煎之類主之
一經遲有寒者宜大營煎主之若陰虛心火

內燦又宜加減一陰煎之類主之

經亂血虛有腎虛血虛淡少腎虛竭

分疏

經亂者或早或遲之謂也其症有因三陰血弱者有因腎氣日虛者總之血虛腎虛之候必為淡少必為枯竭

要方

一血虛而邪火甚者或為夜熱盜汗或為煩渴生痰是即勞損之漸也速用一二三四五陰等煎擇宜治之否則恐成血枯也

一腎虛而經亂者速宜以秘元煎逍遙飲之

類主之否則恐腎氣日消

經期腹痛分虛實實虛實亦當辨

分疏

此論經期腹痛夫痛於未行之先經通而痛自減者知其為實也痛於既行之後血去而痛猶未去者知其為虛也但實中有虛虛中有實當於邪氣稟質兼而察之

要方

一實痛而在氣逆者排氣飲血滯者通瘀煎寒滯者調經飲加姜桂熱滯者保陰煎去續斷加減主之

一虛痛而可按者當用大小營煎若虛中有實實中有虛又當因其症而治之

崩漏陰虛分寒熱殺血心痛由血虛

分疏

崩漏者經亂之甚也其症總由陰虛陽搏而然但其候有寒有熱當分而治之

要方

一崩漏之治有火者因火逼血宜保陰煎主之無火者因寒滯逆宜理陰煎主之而心痛甚者名曰殺血心痛蓋由心脾血虛也小產去血過多而心痛甚者亦然

起
合
熱入血室由表裏晝則安靜夜譫妄

分疏
血室者即血海也當其經行之際或表熱或裏熱因之乘虛而入其症晝則明了安靜夜則譫語如見鬼狀者是也

要方
一熱因外邪由表而入者宜一柴胡飲之類
主之若或怒或勞火由內生其人多汗而無表症者宜保陰煎之類主之或用清化飲亦可

血枯經閉非血隔治法還參血腎虛

分疏 血枯之與血隔本自不同蓋枯者枯竭也隔者阻隔也一因衝任虧敗源斷其流一因邪氣阻滯血有所逆治此之法當與前血虛腎虛二條參而用之

胎孕類

安胎去病即是安惡阻氣逆與氣虛上逼亦然酌寒熱更有胎死冷氣逼

分疏 胎氣不安皆由虛實寒熱為之病能去其所以病雖大黃亦安胎之聖藥故曰去病即是

安如惡阻一症本惡心嘔吐脹滿不食而其
因則在氣逆氣虛推之胎氣上逼亦由將理
失宜以致氣逆而然但有脾腎氣虛而兼寒
兼熱者又當酌而治之更有胎死腹中冷氣
上逼而嘔惡面青者治如後胎動欲墜條中

要方

一胎氣不安虛者胎元飲實者小和中飲寒
者理陰煎熱者保陰煎

一惡阻多由胃虛氣逆如惡心則半夏茯苓
湯嘔吐溫胃飲脹滿小和中飲

一胎氣上逼氣逆氣實者解肝煎脾腎氣虛而兼寒者理陰煎脾腎氣虛而兼火者逍遙飲

胎漏亦有不治卒然下血主安固

分疏

胎漏者經血不固也是必早治然亦有因血盛有餘不治而愈者非若卒然下血而必為之安之固之也

要方

一下血而由火盛逼迫者涼胎飲鬱怒氣逆者化肝煎觸損胎氣者安胎散脾腎氣陷者歸脾湯宜涼則涼宜補則補此即所以治下

血也

欲墮微甚審乎血數墮胎者血氣虛胎不長者亦是
虛鬼胎凝滯亦是虛

分疏
胎動欲墮本由跌撲怒氣虛弱勞倦葯食誤
犯房室不慎而然也非若數墮不長以及鬼
胎之虛也

要方
一胎動欲墮者速宜安之當用前安胎以及
卒然下血等法治之若腹痛血多腰疼下墜
勢有難留者無如決津煎五物煎助其血而

落之為善

一數墜胎者皆由氣虛而提捍不固血虛而灌溉不周宜以胎元飲加減治之

一胎不長者亦惟血氣之不足宜補宜固宜溫宜清治當因其病而早覺之

一鬼胎即血癥氣瘕之屬也當即以癥瘕之治法療之

產育類

滑胎預培乎血氣催生大助乎血氣

分疏

滑胎者欲其生婉之期易而且速也故必以預培血氣為主而催生亦宜大為培養以利導之切不可妄用行氣破血等劑

要方

一滑胎者當於未產之先多服滑胎煎八珍湯

逆產皆因用力早胞破產難脫花煎胞衣不出髮攪喉氣脫血暈是兩件

分疏

逆產者橫生倒生之謂也其因皆由產力用早之故亦有母質薄弱而胞輒破者破則產

難急用五物煎脫花煎五福飲之類助其血
氣又有胞衣不出而停留脹滯者甚屬危劇
急用本婦頭髮攪入喉中使之作嘔則氣升
血散胞軟自落矣及其胞胎既下又忽爾眼
黑頭眩神昏口禁昏不知人其症有二曰氣
脫曰血暈辨之宜詳切不可氣脫作血暈
而誤用辛香逐血等劑

要方

一胎衣不下急服失笑散決津煎
一氣脫者脉必微細速用人參一二兩煎湯
徐徐灌下下咽即活血暈者胸腹脹痛宜大

劑芎歸湯八珍湯之類主之

產後類

產後腹痛分虛實若是發熱多陰虛下寒下熱分瘀
虛喘促若虛貞元飲

分疏

產後腹痛拒按者屬實喜按者屬虛當分治
之若產後發熱雖有外感火盛之因而究其
由水虧陰虛者極多此與產後之陽盛下熱
陰盛下寒者不同也蓋此由氣血俱損陰陽
不和而然或由敗血不散流入陰中而致並